

宣宗成皇帝實錄(七)

卷四〇一至卷四七六
道光二十四年至三十年

清實錄

第三九冊

中華書局影印

清實錄第三九冊目錄

宣宗成皇帝實錄(七)

卷四〇一	道光二十四年正月	四二八七
卷四〇二	道光二十四年二月	四三〇〇
卷四〇三	道光二十四年三月	四三三一
卷四〇四	道光二十四年四月	四三三九
卷四〇五	道光二十四年五月	四三五五
卷四〇六	道光二十四年六月	四三六六
卷四〇七	道光二十四年七月	四三七七
卷四〇八	道光二十四年八月	四三九四
卷四〇九	道光二十四年九月	四四一三
卷四一〇	道光二十四年十月	四四二七
卷四一一	道光二十四年十一月	四四三六
卷四一二	道光二十四年十二月	四四四九
卷四一三	道光二十五年正月	四四六八

卷四一四	道光二十五年二月	四四七八
卷四一五	道光二十五年三月	四四八九
卷四一六	道光二十五年四月	四四九七
卷四一七	道光二十五年五月	四五一〇
卷四一八	道光二十五年六月	四五二五
卷四一九	道光二十五年七月	四五三八
卷四二〇	道光二十五年八月	四五五六
卷四二一	道光二十五年九月	四五六五
卷四二二	道光二十五年十月	四五七七
卷四二三	道光二十五年十一月	四五九三
卷四二四	道光二十五年十二月	四六〇四
卷四二五	道光二十六年正月	四六一八
卷四二六	道光二十六年二月	四六二八
卷四二七	道光二十六年三月	四六三九
卷四二八	道光二十六年四月	四六四八
卷四二九	道光二十六年五月	四六五九
卷四三〇	道光二十六年閏五月	四六七〇

卷四三一	道光二十六年六月	四一六七
卷四三二	道光二十六年七月	四一六八
卷四三三	道光二十六年八月	四一六九
卷四三四	道光二十六年九月	四一七〇
卷四三五	道光二十六年十月	四一七五
卷四三六	道光二十六年十一月	四一七七
卷四三七	道光二十六年十二月	四一七一
卷四三八	道光二十七年正月	四一七二
卷四三九	道光二十七年二月	四一七四
卷四四〇	道光二十七年三月	四一八〇
卷四四一	道光二十七年四月	四一八一
卷四四二	道光二十七年五月	四一八三
卷四四三	道光二十七年六月	四一八四
卷四四四	道光二十七年七月	四一八五
卷四四五	道光二十七年八月上	四一八六
卷四四六	道光二十七年八月下	四一八七
卷四四七	道光二十七年九月	四一八八
卷四四八	道光二十七年十月	四一九〇
卷四四九	道光二十七年十一月	四一九二
卷四五〇	道光二十七年十二月	四一九四
卷四五一	道光二十八年正月	四一九七
卷四五二	道光二十八年二月	四一九八
卷四五三	道光二十八年三月	四一九九
卷四五四	道光二十八年四月	四二〇一
卷四五五	道光二十八年五月	四二〇二
卷四五六	道光二十八年六月	四二〇三
卷四五七	道光二十八年七月	四二〇四
卷四五八	道光二十八年八月	四二〇六
卷四五九	道光二十八年九月	四二〇七
卷四六〇	道光二十八年十月	四二〇八
卷四六一	道光二十八年十一月	四二〇三
卷四六二	道光二十八年十二月	四二一五
卷四六三	道光二十九年正月	四二二三
卷四六四	道光二十九年二月	四二四一

卷四六五 道光二十九年三月 四三五一

卷四六六 道光二十九年四月 四二六〇

卷四六七 道光二十九年閏四月 四二六八

卷四六八 道光二十九年五月 四二七六

卷四六九 道光二十九年六月 四二八四

卷四七〇 道光二十九年七月 四二九五

卷四七一 道光二十九年八月 四三〇六

卷四七二 道光二十九年九月 四三二六

卷四七三 道光二十九年十月 四三三九

卷四七四 道光二十九年十一月 四三三八

卷四七五 道光二十九年十二月 四三五二

卷四七六 道光三十年正月 四三七二

大清宣宗效天符運立中體正至文聖武智勇
仁慈儉勤孝敏成皇帝實錄卷之四百一

歐外鴻臚。官顯。日據。水居。法官。太子。太保。體仁閣大學士。又。湖廣。總督。關。寧。道。戶部。書。錄。上。書。房。總。辦。傳。給。林。院。院。學。士。兼。管。

天所屬戶事務隨帶加五級起錄十八次。實積罪職官題是謀官吏部尚書錄監撫澤軍都督管經新堂唐城內官房大臣稽察內

七倉大臣指掌會同四譯館事務加一級順帶加六級累功加三無起銀五次自沙州銅經羅漢官文閣閣學閣事六部尚書職掌

內務府大臣領白旗滿洲副都統兼內七倉大臣管理宗人府銀庫正副管學 寧嘉富周明周等處刑部營和茶場局典藥房太

醫院送病者每附帶卅八瓶。自阿曼阿列規城官照好讓官兵部兩書贈帶卅六瓶。起錄二十次。且周振瑞等奉

校修

道光二十四年甲辰春正月戊辰朔

上詣

奉先殿行禮詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成御太和殿受朝作樂宣表如儀○

請

大高殿

壽皇殿行禮。○御乾清宮。賜皇子親藩等宴。○

以來歲

皇太后七旬萬壽命於本年八月舉行恩科鄉

試來年三月舉行會試○命乾清門侍衛護

軍統領扎勒罕泰在御前行走。○己巳。

上御紫光閣賜蒙古王貝勒貝子公及外藩使

臣等宴並賞賚有差○命喀爾喀扎薩克郡

王拉蘇隆巴咱爾青海扎薩克郡王達錫旺

扎勒土默特扎薩克貝勒那遜鄂勒哲依均

在乾清門行走。○庚午。

高宗純皇帝忌辰遣官祭

裕陵。

上詣

奉先殿

壽皇殿行禮。○諭內閣朕於二月二十七日由

圓明園啓鑒三十日祇謁

東陵禮成後於三月初三日駐蹕南苑初八日

回圓明園所有應行事宜著各該衙門照例

敬謹豫備○又諭賽什雅勒泰奏請將部缺

筆帖式斤革管束等語。所奏甚是。喀什噶爾部缺筆帖式德克吉柯。於聯順解任之際。協同烏嚕木齊驍騎校訥莫因。稟懇欲隨聯順前往伊犁。並未批准。德克吉柯竟擅用臺馬八匹。聲稱迎接開明阿。取道東往。實屬行蹤詭譎。任性妄為。德克吉柯著即斥革。訥莫因亦著暫行革職。一併解赴伊犁。交布彥泰惟勤歸案嚴訊。該部知道。○以阿克蘇屯田豐收。予員弁議敘。賞兵丁一月鹽菜銀。○辛未

上詣

大高殿行禮。○幸圓明園。○奉

皇太后居綺春園。○詣

安佑宮行禮。○給江蘇海桃源二州縣暨大河

衛上年被水災民一月口糧。○給浙江富陽

新城餘姚三縣上年被水被旱被風災民一

月口糧。○貸陝西定邊洋懷遠葭四州縣上

年被水被雹災民籽種。○給河南中牟祥符

通許陽武陳留杞淮寧西華沈邱太康扶溝

十一縣上年被水災民一月口糧。並貸尉氏項城鹿邑睢四州縣災民倉穀。○癸酉

上詣綺春園問

皇太后安。○皇八子奕詝生。○甲戌

世祖章皇帝忌辰。遣官祭

孝陵。○諭內閣。潘錫恩奏挑河工竣。並勘辦禦

水等工一摺。江南長河挑工。現已驗收如式。

惟第三十五分寬深尺寸。尚有不敷。所有承

挑此段工程之銅山縣縣丞陳保元。著即摘

去頂帶。以示懲儆。至山旰義河跌塘過深。溜

勢湍激。必應由外越築之處。著該督督飭道

將等趕緊進築。務期一律穩固。工竣覈實量

驗。儻承辦員弁草率偷減。不能如式。著即指

名嚴叅。毋稍姑息。○緩徵直隸景東光二州

縣上年被水村莊額賦。展緩三河武清薊大

城永清東安安高陽河間阜城任邱故城天

津青靜海滄南皮鹽山棗城元城大名南樂

清豐新河寧晉二十五州縣應徵節年積欠

漕糧給東光縣災民一月口糧。○緩徵山東福山臨清濟寧臨邑德館陶海豐利津河澤單曹武城魚臺邱十四州縣及德州臨清二衛上年被水被風村莊額賦。○貸山西大同文水汾陽三縣上年被水被雹災民籽種。○乙亥諭內閣朕聞近來江南河工時有過往官員及舉貢生監幕友人等前往求助該河督及道廳等官礙於情面不能不量為資助以致往者日眾竟有應接不暇之勢不知河

工銀兩絲毫皆關國帑河員承領錢糧均有購料修防之責儻過往官員舉貢生監幕友等視為利途紛紛前往該員等焉有自出己資之理無非濫請支領包減工程以為應酬之費於河務甚有關係不可不嚴行禁止因思此等遊客不能無因至前往往向在京官員求索書信以為先容甚至囑託該河督授意屬員廣為吹噓此風可惡之至著潘錫恩通飭各屬一律嚴禁嗣後查有執信往謁意

在干求者著該河督即將其人暫行扣留指名奏奏其有向道廳求助業經幫助銀兩者即將授受之人一併叅辦概不得意存見好稍事姑容並著兩江總督明查暗訪儻此後仍有前項情弊該河督未即舉發即行單銜奏叅庶幾懲一儆百力挽頹風南河既有此弊東河亦所不免著東河總督通行嚴禁並責成山東河南巡撫一體訪查至各省鹽務衙門向來陋習相沿亦應嚴行杜絕著通飭

各省鹽政一概禁止毋任虛糜課餉其兼管之各省督撫均著密行稽察以期弊絕風清經此次通飭禁止以後兩河道廳及鹽務官員儻再藉口應酬以致侵欺帑項必當嚴加懲治不貸將此通諭知之○又諭此次朝鮮國使臣回國禮部知照兵部文移誤送司務廳以致轉行遲滯所有禮部承辦司員著交部議處禮部堂官著交部察議兵部司務廳筆帖式慶泰業據該部咨部議處著吏部照

例議處。兵部堂官並著交部察議。至該使臣究在何縣地面被搶。有無官兵護送。著順天府查明辦理。並著將此案賊賊嚴飭該地方官緝拏務獲懲辦。尋奏查朝鮮從人鄭禹必於二十三年十二月二十一日行抵三河縣棗林地方。坐馬驚逸。行李失落。旋獲馬匹。交四驛館設法帶回。沿途有兵護送。並無被搶情事。報聞。○諭軍機大臣等麟魁等奏壩工復遇大風。保護平穩。並續得進占丈尺一摺。

現在兩壩已做成。四百零八丈九尺。口門僅賸二十二丈九尺。埽前水深溜急。正在喫緊之際。著麟魁等督飭各員。將已辦新工加意守護。仍即跟接進占。剋期趕辦。務於迅速之中。倍加慎重。總須盡人力以待天時。相機妥籌。期於一律穩固。無少疏虞。至挑水壩續得二十丈。業已挑溜東趨。其引河亦經接塘放水。惟至下南廳屬。適值天寒水凍。難於宣洩。俟積凍稍融。即著趕行試放。至引河頭所留

老灘。應行剋土挑溝之處。均著照議妥籌豫辦。將此諭令知之。○又諭據祁項等奏越南國王遣使張好合等將拏獲內地盜犯金二紀等八名並礮械等項。駕駛兵船解省審辦。已有旨將該行价等壓艙貨物免其納稅矣。因念該國王拏獲內地搶掠匪徒。遣使解審。深明大義。甚屬可嘉。著俟該國下屆應貢年分使臣到京。於正貢照例賞賜外。另行加賞以示褒獎。著周之琦先行檄諭。並著存記於

奏報越南貢使入境時。附片提奏。將此諭令知之。○總理行營大臣穆彰阿議覆兵部咨稱覈減隨扈官員兵丁領馬章程。查道光十九年。

東陵隨扈。除上駟院調放太監各項馬匹外。各衙門官員兵丁共領馬三千零五十七匹。此次量加覈減計需馬二千三百三十三匹。實請領馬八百六十五匹。再調備用馬三十五匹。均由兵部行咨察哈爾調取。限日到京。其

餘一千四百六十八匹。應照嘉慶十一年圍差裁減馬匹折價之例。每匹折給銀三兩。由該衙門造冊。向戶部支領。以省往返盤費。草束之需。從之。○廣西布政使邵甲名因病解任。以河南按察使張祥河為廣西布政使。湖南辰沅永靖道王簡為河南按察使。○丙子享。

太廟。遣禮親王全齡恭代行禮。遣官祭

太歲之神。諭內閣。鍾祥奏東河下游長隄

卑薄。請擇要增培等語。著麟魁廖鴻荃於大工合龍後。會同鍾祥鄂順安覈實。節節查估具奏。諭軍機大臣等。回疆所用當五當十普爾錢。文行使多年。頗稱便利。因思陝西甘肅二省。相距非遠。地方情形。大略相同。當可依照鑄行。疏通圓法。著富呢揚阿李星沅體察情形。妥議章程具奏。總期利用便民。流通無滯。毋以事屬創始。稍存畏難之見。率以格礙難行。一奏了事。將此各諭令知之。以清

漪園怡春堂不戒於火。命內務府大臣恩桂文慶會同刑部提集團丁圍戶。暨苑丞苑副等嚴訊。尋訊明。本年正月初七日。造辦處開單。調取怡春堂陳設四十六件。初八日。苑丞嵩源等。向內查取。遺失吸煙火種。以致夜間火起。延燒房屋。並無偷漏掩飾情弊。嵩源應杖一百。流三千里。照例折枷鞭責。圍丁圍戶俱革役鞭責發落。得旨。嵩源著實發烏魯木齊充當苦差。餘依議。○以吏部左侍郎成剛

署戶部右侍郎。兼管錢法堂事務。○丁丑。諭內閣。桂良覆奏雲南署永北同知黃德源於川匪竄入搶掠。獲犯解審。均經審明。實係案內要犯。尚無防堵不力及諱飾消弭等情。黃德源辦理此案。未能速為稟詳。事後始行補稟。究屬不合。著交部議處。又另片覆奏。查明元謀縣知縣羅慶元亦尚無疏縱等情。惟稟報遲延。羅慶元著交部照例議處。諭軍機大臣等。禮部奏緬甸貢使兩次遞稟。譯漢進

呈。內稱車里土司刀正宗。向與該國交好。送禮。自該國王襲位以來。並不送禮。經該國四大萬噶令該貢使等稟明雲貴總督。到京再稟。明禮部等語。緬甸與車里土司。向來如何交好。送禮之處。著桂良查明。仍照舊章辦理。將此諭令知之。尋奏。上年已據思茅廳營查覆。該土司所送禮物。被族目刀奏勳。在緬屬孟艮地方劫奪。已另備禮物。由內地送赴騰越廳。候貢使轉回過騰。交給帶往。報聞。○截

留江蘇丹陽金壇蘇州松江太倉五府州縣熟田漕糧三萬九千石有奇。協濟江南督撫提鎮各標及駐防弁兵。並織造局匠。緩缺米石。○戊寅。

孝全皇后忌辰。遣官祭

陵寢。○

上詣

大高殿行禮。○還宮。○以次辛祈穀於

上帝。自是日始齋戒三日。○己卯。諭內閣。前據

祁墳等奏。廣東歸善縣知縣丁嘉藻。拏獲盜犯多名。懇請加銜鼓勵。當交吏部議奏。茲據該部查明。與例未符。惟該省係海疆要地。該員到任三月。能將前任內盜犯拏獲多名。悉心審辦。尚屬勤能。自應從優獎勵。前任歸善縣現署潮陽縣知縣丁嘉藻。著加恩賞加同知銜。先換頂帶。○命吏部尚書恩桂。仍管清漪園等處事。○命江寧將軍德珠布來京。以江寧副都統穆騰額護江寧將軍。○庚辰。

上詣

南郊齋宮齋宿。○緩徵浙江富陽新城秀水嘉善平湖桐鄉烏程歸安德清武康餘姚寧海

蕭山海寧嘉興海鹽石門十七州縣暨橫浦

浦東鳴鶴海沙四場。上年被水被蟲被風災

區額賦鹽課。給富陽新城餘姚三縣災民一

月口糧。○緩扣浙江幫丁節年積欠銀米。○

辛巳。祈穀於

上帝。

上親詣行禮。○詣

關帝廟拈香。○幸圓明園。○詣綺春園問

皇太后安。○御奉三無私殿。賜皇子親藩等宴。

○江蘇學政張芾奏謝調任恩。得旨。慎勉一切。斷不可率忽從事。若稍有瑕疵。則損於汝者大矣。懍之。○壬午。

上詣

安佑宮行禮。○御正大光明殿。賜朝正外藩等宴。作樂。賜酒。如除夕儀。○命直隸總督訥爾

經額子三等侍衛蘊秀。在乾清門行走。○賞

喀爾喀車臣汗阿爾塔什達子頭等台吉烏

爾津扎布花翎。○癸未。

上御正大光明殿。賜大學士尚書等宴。○甲申。

諭內閣。鄭親王烏爾恭阿。肅親王敬敏。均著

毋庸管宴。○乙酉。諭內閣。此次海運倉失火。

焚燒廩座。花戶于仲魁著交刑部嚴訊。致火

根由。按律辦理。德春。楊殿邦。及該倉值宿監

督塔芳阿。一併交部分別議處。被焚廩座。即

著照例賠修。○以禮部右侍郎馮芝。兵部右

侍郎舒興阿。知貢舉。○丙戌。

上御山高水長。賜王公大臣蒙古王貝勒貝子

公額駙台吉及外藩使臣等食。○諭內閣。鄭

親王烏爾恭阿。肅親王敬敏。均著毋庸稽查

壇

廟。○又諭耆英奏移駐弁兵。請借廉餉一摺。江

南新設福山鎮添撥弁兵。係由蘇松狼山二

鎮所屬各營內分別裁移。該弁兵等廉餉無

多。現經移駐。不無內顧之虞。加恩著照所請。

所有現已移撥到營之馬步守兵五百五十

六名。共借兩月餉銀一千三百二十八兩。又

千總把總外委十九員。共借兩季養廉銀五

百四十兩。各兵餉銀在於司庫正項道光二

十三年地丁銀內借給。照災兵借餉之案。從

道光二十四年春季起。分作八季扣還歸款。

各弁養廉在於存公文員節省養廉銀內動

借放給。查照武職部借養廉之例。從道光二

十四年春季起。分作六季扣歸。均隨時造入季冊。報部撥用。該部知道。○兩江總督耆英覆奏。意大里亞國通商章程。前經軍機大臣等議駁。不准於澳門添造房舍。遇有修建。必須請領牌照。自係循照舊章辦理。惟查澳門地方。以閘間為門戶。自閘間至三巴門五里。三巴門以內。地勢湫隘。東西南三面濱海。並無尺寸之地。可以擴充。不妨寬其禁令。免請牌照。以示體恤。如必遵照部駁。彼將藉口侵軼。至三巴門外。似更無所限制。得旨。軍機大臣會同戶部。再行酌覈。速議具奏。○丁亥。上詣綺春園問。

皇太后安。○諭內閣。梁萼涵奏。武職養廉不敷動放。請提動地丁銀兩一摺。山西省武職應用本年養廉耗羨雜款。不敷撥放。著准其於上年徵存地丁項內。提出銀五萬七百五十兩。另款存貯。以備支領。該部知道。○以工部尚書廖鴻荃為國史館副總裁官。○戊子。

孝穆皇后忌辰。遣官祭。

陵寢。○己丑。諭內閣。麟魁等奏。壩工遭風屢蝕。進占彌艱一摺。前據該尚書等奏稱。兩壩跟接進占。計可合龍。當經降旨。飭令於迅速之中。倍加慎重。方冀春融以後。試放引河。即可剋日蒞功。乃本日據奏。連遇大風。水勢洶湧。已作埽段。間有蝕動之處。懇請展期合龍等語。東西兩壩。連次被風。現經保護平穩。惟該尚書等未能先事妥籌。以致合龍延緩。究屬辦理不善。麟魁、廖鴻荃、鍾祥、鄂順安。均著交部議處。○諭軍機大臣等。本日據麟魁等奏。壩工遭風屢蝕。進占彌艱。已明降諭旨。將該尚書等交部議處。據奏加鑲完固。請展期添料。以重要工。於上次請添稽麻之外。另為酌量添購等語。壩工鑲埽。本應一律穩固。若因慎重工程起見。請展緩合龍日期。未為不可。特不得藉口風雪。稍滋延玩。況所築挑水壩。現已挑動大溜。進占較易措手。萬勿坐失。

機宜。至增購料物一節。當此經費支絀之時。自當倍加撙節。無稍虛糜。該尚書等相機妥辦。於迅速藏事之中。仍事事覈實。庶有裨要工。不負委任。將此諭令知之。○又諭禮部奏。暹羅貢使遞稟。內稱該國王面諭該使臣等。懇求接貢之年。免輸關稅等語。向來琉球國進貢回國時。接貢船一隻。隨帶貨物。由閩海關奏明免稅。暹羅向無此例。此次該貢使所請免稅之處。未據祁墳等奏明。所有該國接

貢船隻。應否照琉球一律辦理。著該督撫等酌覈具奏。如應照琉球辦過成案辦理。亦祇准免一隻船所帶之貨。概不准多帶船隻。冀圖免稅。該部原奏著鈔錄。並原遞稟帖。一併發給閱看。將此諭知祁墳。程喬采。並傳諭文豐知之。○庚寅。

孝聖憲皇后忌辰。遣官祭。

泰東陵。○辛卯。諭內閣。本年輪應查閱湖北湖南雲南貴州等省營伍之期。湖北湖南著即

派裕泰。雲南貴州著即派桂良。逐一查閱。認真簡校。其上年暫停查閱之廣東廣西浙江福建等省。著統俟二十五年。再行奏請查閱。○壬辰。諭軍機大臣等。據善燾奏。青椿以外。官山界內樹株被竊一摺。風水地面樹株。理宜慎重看守。茲據奏牆子路所管界石內官山樹株被竊。並因訪查竊情。釀成人命等語。著訥爾經額。派委明幹大員。會同馬蘭鎮總兵。督同該地方文武員弁。設法嚴拏。務將賊

賊全獲。親提審辦。將此諭令知之。尋奏。拏獲張文幅。並起獲賊證。解省嚴審。張文幅供認偷竊屬實。應依盜砍青椿以外官山。以內樹株例。杖九十。徒二年半。係革兵。照例加等。擬杖一百。徒三年。從之。○又諭向遇恭謁

東

西陵之年。直隸總督呈進大小豬羊。著自本年為始。無庸呈進。改進食物。及乾鮮果品。以備賞賚之需。將此諭令知之。○以鑲紅旗蒙古

都統祿普署察哈爾都統未到任前以副都統阿彥泰護理○癸巳

上詣綺春園問

皇太后安○諭內閣給事中扎克丹等奏風聞各旗營由庫領餉時有低潮假銀莫敢舉發並現由鑪房起出成錠假銀至三百餘兩之多難保無奸商勾通庫丁驗匠夾雜收納請飭嚴查等語庫儲捐項多係鑪房傾造現在該鑪房存有假銀難保不於交庫之時夾雜

交納於庫項大有關繫著管庫大臣嚴飭該司員等認真查察其兌收銀兩務須率同能辨銀色之匠役詳細驗看遇有低潮假銀立即根究來歷從嚴懲辦如查有庫丁驗匠勾通朦混情弊亦即一併嚴懲毋稍寬縱至支放兵餉應如何驗明給領之處務即明定章程通行各旗營畫一辦理以恤兵丁而昭覈實尋奏北庫積土內有多年舊銀顏色黑暗難辨真偽嗣後輪放此種銀兩必須翦看並

於收銀時令匠役驗看成色嚴飭銀庫司員認真查察至支放兵餉請各按旗分統歸總數支領逐袋覆較並令該旗會同戶部司員各領平砵較對取具並無短少低潮假銀甘結存案從之○諭軍機大臣等穆彰阿等奏遵旨再議意大里亞國通商章程一摺朕詳加披閱所有三巴門內免領牌照聽憑建造一節准其照議辦理惟該督等前奏不得於三巴門外擅有建造現據該督等面與要約

當不致遽有反覆惟事涉外夷必須籌及久遠設使異時該夷以三巴門內無可駐足又於三巴門外妄肆干求該督如何防範遏絕正宜遠慮豫籌著耆英接奉此旨函商廣東督撫體察夷情熟籌事勢妥議具奏總須確有把握毋為將就目前之計方不負委任也將此諭令知之○以都察院左都御史特登額署鑲紅旗蒙古都統○朝鮮國王李熙遣使表賀

萬壽冬至元旦三大節。並進貢方物。賞賚筵宴如例。○暹羅國王鄭福遣使表賀。

萬壽。並呈貢方物。除年貢照例賞收外。其呈進

中宮方物。命留抵下次正貢。賞賚筵宴如例。

○緬甸國王孟坑遣使呈貢方物。賞賚筵宴

如例。○甲午。撥湖北地丁銀四千四百兩有

奇。補給武昌武左。蘄州。德安四衛幫丁運費。

○乙未。

工詣

大高殿行禮。○還宮。○以故三等鎮國將軍承

順子景錫。降襲輔國將軍。○以祭

社稷壇。自是日始。齋戒三日。○丙申。

孝儀純皇后忌辰。遣官祭。

裕陵。○諭內閣。戶部奏清查積欠。將尾零應追

應扣應估變各銀兩。請旨飭辦。以清款項等

語。各直省錢糧。絲毫均關國帑。此項應追應

扣應估變等款。為數不少。豈容任意延宕。著

直省各督撫等嚴飭所屬實力查辦。其有力

之家。及現任職官。可以追繳者。務當諭令趕

緊完交。毋任不肖州縣及奸胥猾吏通同捏

報家產盡絕。希冀豁免了案。其實在無力者。

亦當據實查明。報部覈辦。值此清釐帑項之

時。各督撫自當感發振作。逐款覈實辦理。以

期有裨國計。毋得因循玩泄。視為彙催具文。

○又諭。前因御史舒明阿奏請通查各省荒

地。降旨令戶部議奏。茲據奏稱。各省未經報

部各荒地。有無私墾隱賦。殊難懸定。著各直

省督撫府尹都統悉心體察。將所有荒地。覈

實查明。是否可以召買。均以有無情願認買

之人為斷。如辦有大概情形。即著先行據實

覆奏。至有人承買荒地。著該督撫府尹都統

酌量定價。收解部庫。仍將每年收納糧額。覈

定報部造冊。其無人認買各地。應俟承買有

人。隨時辦理。仍催令照例升科。毋許延宕。將

此通諭知之。○又諭。劉韻珂奏遵保堪勝陸

路總兵之副將一摺。閩浙督標中軍副將武